

黃陂縣志卷之十二

文林郎知黃陂縣事楊廷蘊纂輯

原任監察御史補授縣丞李成紀
署教諭事舉人邵光祿
參訂

儀禮志

慶賀

聖誕元旦
冬至

開讀

丁祭

壇壝

鞭春

祈禱

救護

日食月食

上任

鄉飲

閱武

儀圖

丁祭壇壝鄉飲

黃陂縣志

卷十二

儀禮

乙

禮者政之本國之維也 朝廷以之治于上郡縣以之治于下罔敢廢闕罔敢隕越故一邑之內如慶賀而揚休虎拜上丁而釋奠膠庠徧于群神以洽百禮至於禱雨祈暘救月護日鞭春履任講武獻賓何一非秩宗所定者今一一備志循而行之庶其式禮莫愆威儀卒度矣

慶賀

聖壽元旦長至先一日縣正率僚屬執儀仗設龍亭於關聖祠焚香習儀畢即迎至邑治正堂次日五

更鼓三嚴各官朝服八行慶賀禮縣正詣香案前
視曰某衙門某官臣某等荷 國厚恩叨享祿位
賴天生我君保民致治今茲
聖誕或元旦或長至 聖壽日增臣等下情無任欣
躍感戴之至祝訖復位拜山呼禮畢各官改位西
向跪俯伏候儀仗送龍亭奉安于原所

開讀

詔至先遣執事者設龍亭并採輿儀仗於 詔至處
縣正率僚屬師生人等郊迎行禮畢上馬前導朝

黃陂縣志

卷十二

儀禮

二

使隨行龍亭後至縣堂朝使立於龍亭之東西向
贊禮者曰衆官排班班齊作樂拜畢朝使捧 詔
授展讀官展讀官接 詔立開讀臺上亦西向開
案宣讀衆官皆跪聽宣畢仍捧 詔授朝使仍置
龍亭中衆官拜山呼畢縣正詣龍亭前跪問
聖躬萬福朝使鞠躬荅曰 聖躬萬福復位拜山呼
禮畢復具鼓樂送 詔于官亭乃易服見朝使

丁祭

主祭官陪祭官執事員等散齋三日宿于別室致

齋一口午後執事員等設香案於牲房外獻官常服詣省牲所省牲宰牲盛毛血少許於盤是日於明倫堂觀樂習儀及期質明將行禮遍燃庭燎香燭鼓初嚴獻官易服僉祝鼓再嚴獻官遍詣各壇省閱祭品鼓三嚴引贊引各官至戟門東侍立通贊唱曰樂舞生就位執事者各司其事陪祭官分獻官獻官以次就位瘞毛血舞生執羽籥迎神麾生舉麾擊祝樂奏咸和之曲奏畢四拜樂盡麾生偃麾櫟啟樂止奠帛行初獻禮詣盥洗所盥畢詣

酒罇所司罇酌酒詣至聖前麾生舉麾擊祝樂奏寧和之曲跪奠帛獻爵俯伏平身詣讀祝位麾生偃麾樂暫止衆官跪讀祝文曰維某年歲次某甲子某月朔某日某甲子某衙門某官某等敢昭告於至聖先師孔子曰惟師德配天地道冠古今刪定六經垂憲萬世茲惟仲春秋謹以牲帛醴齊粢盛庶品式陳明薦以復聖顏子宗聖曾子述聖子思子亞聖孟子配尚享讀畢俯伏興平身麾生舉麾樂生接奏先未終之樂詣顏子前跪奠帛獻爵獻

畢俯伏興平身詣曾子子思孟子俱同前儀獻畢
行分獻禮各獻官詣盥洗所盥畢詣酒罇所酌酒
詣東西哲東西廡神位前俱跪奠帛獻爵獻畢樂
止俱俯伏興平身復位樂盡麾生偃麾櫟敵樂止
行亞獻禮如初獻禮禮止三獻樂止跪飲福受胙
畢俯伏興平身復位鞠躬拜興二平身各官拜訖
徹饌麾生舉麾擊祝樂奏咸和之曲司節引舞生
序立樂盡麾生偃麾櫟敵樂止送神麾生舉麾擊
祝樂奏咸和之曲鞠躬拜興四平身各官拜訖樂
官仍至祭位一揖散班

樂章

大哉孔子聖道尊崇維持王化斯民是宗典祀有
常精純並隆神其來格於昭聖容 迎神
自生民來誰底其盛惟師神明度越前聖粢帛具

成禮容斯稱黍稷非馨惟神之聽奠□

大哉聖師實天生德作樂以崇時事無斃清□□

馨嘉生孔碩薦修神飏庶幾昭格初獻

白王宗師生民物軌瞻之洋匕神其寧止酌彼□

壘維清且旨登獻惟三於嘻成禮亞獻終獻

犧象在前俎豆在列以享以薦既芬既潔禮成樂

備人和神悅祭之受福率遵無越徹饌

有嚴學官四方來宗恪恭祀事威嚴雍匕歆茲維

馨神馭還復明禋斯畢咸膺百福送神奠瘞同

黃陂縣志

卷十二 儀禮

五

啓聖祠祝文行禮同至聖

年月日某官某等致祭於啓聖公孔氏之神曰維

公誕生至聖爲萬世王者師功德顯著茲因仲春秋

告祀以先賢顏氏先賢曾氏先賢孔氏先賢孟氏

配尙享

名宦祝文祭壇 祀陳設同從視諸儒四位共祭一

功在斯民澤及後 □祭祀典陂人□式

鄉賢祝文祭祀陳設同名宦亦四位共祭一壇

德重鄉邦名垂後世本茲馨香以興嗣歲

執事

通贊二監洗濯二監宰一收支祭物二監庭燎瘞
坎二引贊二讀祝一陳設七司帛七司爵七司盥
一司帨一瘞毛血二司香燭三飲福一受胙一

祭品釋義

太羹

煮肉汁不用鹽醬

和羹

以猪肉造羊

形鹽

用白鹽印

菹

用本末取物四寸去

醢醢

碎猪肉用酒料調造鹽

按漢高帝十二年過魯以太牢祀孔子明帝今
郡縣通祀孔子於學校章帝祀孔子以六代之

黃陂縣志

卷十二 儀禮

六

樂桓帝給酒米牛羊詔春秋享祀孔子宋文帝
釋奠舞六佾設軒轅之樂牲牢器具如上公後
魏文成勅有司行薦享之禮北齊顯祖制春秋
二仲釋奠隋文帝制州縣學以春秋二仲月釋
奠唐太宗祀孔顏備俎豆干戚高宗登歌用宣
和之舞玄宗詔以仲月上丁釋奠宋真宗頒諸
州釋奠儀注圖仁宗詔釋奠用登歌徽宗更撰
釋奠樂章又賜堂上大樂正聲一部及禮樂於
闕里高宗加籩豆十二禮如社稷元成宗置先

聖廟登歌樂明洪武元年御制祭文以通贊舍
人張漢英齋香一炷銀十兩徃曲阜賣牛酒致
祭更定孔廟釋奠樂章舞六佾文命製大成樂
器頒行天下府州縣學樂用登歌朔望令郡縣
以下詣學行禮英宗今祭丁品物非其土產者
以所產代景帝增兩廡祭品憲宗增樂舞八佾
籩豆各十二孝宗釋奠用太牢加幣世宗釐正
祀典遂永爲定式春秋仲月上丁以正官爲獻
官縣佐教官爲分獻官 本朝龍興首勅督學

黃陂縣志

卷十二

儀禮

七

道遍修文廟各制尚仍其舊

壇壝祭典

社稷壇祭以春秋二仲月上戊日春曰告秋曰報
用爵三帛一鉶一簠簋各二籩四豆四羊一豕一
神主以木爲之一書黃陂縣社之神一書黃陂縣
稷之神俱北向奠帛三獻亦行飲福受胙禮牌主
計高二尺二寸濶四寸五分厚九分座高四寸五
分口八寸五分厚四寸五分

祝文

□某年歲次某月朔日甲子具官某等敢昭告於
□社之神縣稷之神品物資生蒸民乃粒養育之
□司土是賴維茲仲春或仲秋禮宜告祀或報祀
謹以牲帛醴齊粢盛庶品式陳朏薦尙饗祝板木
爲之白帑寫文粘其上祭畢焚之
風雲雷雨山川壇每歲祭以春秋二仲上巳日奉
遷城隍神主前來共壇合祭風雲雷雨之神主居
中境內山川之神主居左城隍居右陳設同社稷
壇行禮與社稷壇同

黃陂縣志

卷十二

儀禮

八

祭文

維某年歲次月朔日甲子具官某等謹昭告於風
雲雷雨之神黃陂縣境內山川之神黃陂縣城隍
之神惟神妙用神機生育萬物奠我民居足我民
食某等欽奉 上命忝職茲土今當仲春或仲秋
謹具牲醴庶品用仲常祭尚饗

邑厲壇每歲春清明日秋七月十五日冬十月一
日祭之設厲主二題曰黃陂縣境內無祀鬼神先
期三日奉城隍神主至厲壇位正中南向以主厲

祭設無祀鬼神位于壇下左右用羊三豕三米三石炊飯席地焚香列炬城隍前用羊一豕一飯羹祭畢奉城隍神主還廟

祝文

維某年某月某日具官某等遵承到 禮部符文爲祭祀本縣闔境無祀鬼神等衆事該欽奉

聖旨普天之下后土之上無不有人無不有鬼神人鬼之道幽明雖殊其理則一故天下之廣兆民之衆必立君以主之君統其大又設官分職於府州

黃陂縣志

卷十二

儀禮

九

縣以各長之各府州縣又於一百戶內設一里長以統領之上下之職綱紀不紊此治人之法如此天子祭 天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之神各有等第此祀神之道如此尙念冥冥之中無祀鬼神昔爲生民未知何故而歿其間有遭兵刃而橫傷者有死於水火盜賊者有被人取財而逼死者有被人強奪妻妾而殺死者有遭刑禍而負屈死者有天災流行而疫死者

有爲猛獸毒蟲所害者有爲饑寒凍死者有戰聞而殞身者有因危急而自縊者有因墻屋傾頹而壓死者有死後無子孫者此等鬼魂或終於前代或歿于近世或兵戈擾攘流移于他鄉或人烟斷絕久缺于祭祀姓名民沒于一時祀典無聞而不載此等孤魂死無所依精魄未散結爲陰靈或倚草附木或作爲妖怪悲號于星月之下呻嗟于風雨之時凡遇人間節令心思陽世魂杳乚以無歸身墮沉淪意懸乚而望祭興言及此憐其悽慘故

勅天下有司依時享祭在京都有大厲之祭在國王有國厲之祭在各府州有郡厲之祭在各縣有邑厲之祭在一里又有各鄉厲之祭緣於神依人而血食人敬神而知禮仍命本處城隍而主此祭欽奉如此今某等不敢有違謹設壇於城北以三月清明日或七月十五日或十月初一日置備牲醴羹飯耑祭本縣令境無祀鬼神等衆靈其不昧來享此祭凡我一縣境內人民倘有忤逆不孝不敬六親者有姦盜詐僞不畏公法者有扞曲作直

欺壓良善者有躲避差役靠損貧戶者以此頑惡
奸詐不良之徒神必報于城隍發露其事使遭官
府輕則笞杖杖斷不得號爲良民重則徒流絞斬
不得生還鄉里若事未發露必遭陰譴使舉家並
染瘟疫六畜田蚕不利如有孝順父母和睦親族
畏懼官府遵守禮法不作非爲良善正直之人神
必達之城隍陰加護祐使其家道安和農事順遂
父母妻子保守鄉里我等合縣官吏人等如有上
欺 朝廷下枉良善貪財作弊蠹政害民者神必
無私一體昭報如此鬼神有鑒察之明官府非諂
諛之祭尚饗

移城隍牒

黃陂縣遵承禮部劄付爲祭祀本縣無祀鬼神事
該奉 聖旨普天之下 云 云同祭厲文其理則一
今國家治民事神已有定制尚念冥冥之中 云 云
同厲文依時享祭仍命本處城隍以下此祭鎮控
壇場鑒察諸鬼等類其中果有生爲良善誤遭刑
禍死於無辜者神當千所司使之還生中國來享

太平之福如有□爲究頑身犯刑憲雖獲善終亦出于僥倖者神當達於所司屏之四裔善惡之報神必無私欽奉如此今某等不敢有違謹於某年某月日於城北設壇置備牲酒羹飯享祭本縣無祀鬼神衆等然幽明異境人力難爲必資神力庶得感通今特移文於神先期分遣諸將召集本縣闔境鬼靈等衆至日悉赴壇所普享一祭神當欽承勅命鎮控壇場鑒察善惡無私昭報爲此合行移牒請照驗欽依施行

黃陂縣志

卷十二

儀禮

十二

鞭春

立春先一日縣正率僚屬至東郊外東山寺祭芒神行兩拜禮迎春赴縣儀門外土牛南向芒神西向各官宴而退至日侵晨各官朝服設果酒祭芒神行禮三獻讀祝文曰維神職司春令德應蒼龍生意誕敷品彙萌達某等忝牧是邑具禮迎新戴仰神功育我黎庶尙饗祝畢復行禮各官執綵仗侍土牛而立長官擊鼓三聲衆鼓齊作各官環擊土牛者三鄉人各收牛土以爲宜年

□宋景佑間頒土牛經于天下其土牛以歲之
□□爲首支色爲身納音色爲腹立春口干色
□角耳尾支色爲頸納音色爲蹄至元所頒經
□牛□止以立春日爲法口干爲頭角耳色支
□身色柎音爲蹄尾肚色明初襲用元制正統
□□用言者製土牛色肚用歲之支干納音如
□法 本朝曰之

祈禱

遇水旱縣正齋戒□服率僚屬步詣各壇行香停

黃陂縣志

卷十二

儀禮

十三

刑禁屠沽旱以渥雨澇以老晴始謝神撤禁

按舊制□□以水日禱社稷山川家人祠□□

□□□無□山林命暴巫設壇于東門外植□

□□□□□□□□□元酒膊脯擇巫之□

□□□□□□□□□蒼衣先再拜乃跪

□□□□□□□□□人今五穀竝旱恐不

□□□□□□□□□畢得雨報以豚酒

□□□無□□□□□□□人祠竈神無舉土

□□火浚井暴□□□□□白于術設壇于南門

門外植赤繒七其神蚩尤祭之以赤雄雞□元
酒具清酒膊脯祝齋三日服赤衣拜跪陳祝如
春季夏禱山陵以助之十日一徙市于邑南門
外五日禁男子無入市家人祀中霤無舉土功
聚巫市旁設壇于市植黃繒五其神后稷祭之
母飴五母音模禮謂之周禮曰飴食元酒具清
酒豬脯令各爲祝齋三日黃衣餘皆于春秋曩
甦巫九日無舉火事母煎金器家人祀門設壇
于西門外植白繒九其神少昊祭以桐木魚九

黃陂縣志

卷十二 儀禮

十四

元酒具清酒膊脯白衣他如春冬舞龍六日禱
於名山以助之家人祀井無壅水設壇於北門
外植黑繒六其神元冥祭以黑狗子六元酒具
清酒膊脯祝齋三日夜祝如春如遇澇祈禱則
以火日行禮其壇位繒色各從乎司令方神無
敢改易

救護 日食月食

設香案縣堂露臺上設金鼓手於儀門內兩傍設
樂人於露臺下設各官拜位於露臺上俱向日至

列陰陽生報日初食各官朝服行禮作樂樂畢執事者捧鼓至縣正前擊鼓三聲衆鼓齊鳴食如分各官再拜後報復圓各官行禮乃退月食儀同但用常服

按書乃季秋月朔辰弗集於房瞽奏鼓嗇夫馳庶人走周官鼓人救日月則詔王鼓太僕凡軍旅田後贊王鼓救日月亦如之諸侯用帛於社伐鼓於朝退而自責以荅天變而不敢忽也明制欽天監推算時刻杪忽先期奏聞下禮部通行天下至期各官俱朝服行禮舊有陰雲則免本朝沿明制雖陰雨不廢敬天變也

上任

先一日齋宿城隍廟至日五鼓祭神祝曰維某年月日某官某敢昭告於風雲雷雨之神山川社稷之神本處城隍之神及應祀神祇曰某奉命來官務耑人事主典神祭今者謁神特與神誓神率幽冥陰陽表裏予有政事未備希神默相使我政興務舉以安黎庶予倘怠政奸貪陷害僚屬凌虐

下民神其降殃謹以牲醴致祭神其鑒之尙饗祭畢鼓樂導赴縣祭儀門公服從中道入至露臺設香案望闕謝恩畢坐公座皂隸排衙報時押公座畢更服回坐各員役參見由卑至尊荅禮各有差禮生代諭僚屬曰朝廷設官置吏欲其敬神恤民親賢遠奸興利除害某不敏忝茲重任尚賴一二僚屬及邑中長者匡其不逮其有利所當興弊所當革者某等當竭力爲之以安黎庶諭畢回衙午刻飲公堂宴明日謁廟行香

鄉飲酒禮

明制鄉飲州縣每歲正月望日十月朔日於明倫堂行禮以正官爲主位東南以齒德致仕官員爲大賓位西北擇年高有行之人或三人或一二人爲僎賓位東北以次長爲介賓位西南以賓之次者爲三賓位於賓主介僎之後以教官爲司正以老成生員贊禮前一日陳設坐次司正率執事習禮次日黎明宰牲具饌其酒筵如古制六十者三豆七十者四豆八十者五豆九十者六豆旣具主

人率僚屬司正先至遣人速客客至出迎於庠門外三讓三揖至明倫堂復三讓唱升階至月臺中執事擊鼓唱升堂各升堂拜訖就位司正至堂中北面立賓主皆立皆揖執事者酌酒於觶授司正司正舉酒通贊唱揚觶司正揚觶曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗親外和鄉里無或廢墜以忝所生讀畢司正飲酒畢以觶授執事司正揖賓僎以下皆報

揖司正復位賓僎以下皆坐執事者舉律令案於堂中賓主皆拱立讀者詣案北面讀曰大誥鄉飲酒醴序長幼論賢良別姦頑異罪人其坐席間高年有德者居上高年淳篤者竝之以次序齒而列其有曾違條犯法之人不許干於善良之席主者若不分別致使貴賤混淆察知或發覺罪以違制姦頑紊亂正席者全家移出化外讀畢主賓各一揖復位執事者唱斟酒舉饌案至客前主人獻賓薦脯醢設折俎賓酬主人如之獻僎介僎介酬皆

如之酒三行訖工八升歌鼓瑟歌鹿鳴什一飲酒
供湯工歌四牡飲酒供湯工歌皇匕者華飲酒供
湯笙入笙奏南陔又奏白華又奏華黍詩歌魚麗
笙奏由庚歌南有嘉魚奏崇丘歌南山有臺奏由
儀於是合樂奏關雎鵲巢又奏葛覃采芣又奏卷
耳采蘋每詩先歌首章復供湯請饌訖又讀律誥
如前讀畢執事者復按行斟酒或五行或十行供
湯供饌其禮如前畢乃徹饌賓主兩拜訖又賓撰
介衆賓拜訖通贊唱謝 恩引贊向東北設香案

黃陂縣志

卷十二

儀禮

十八

行謝 恩禮唱主送賓于是引禮前導送賓於庠
門外主賓東西相向三揖乃退

閱武

霜降前三日巡捕官率馬步快及民壯演操至期
縣正率僚屬至教場祭旗燻神巡捕官督操如制
行賞罰

儀圖

丁祭壇壝以及鄉飲酒禮一一開叙似可弗圖然
昭數昭辨自昔慎之故另圖以防紊次

至聖位前陳設圖

第一行一簋第二行三爵
第三行正登兩傍銅第四
行二簋



計一簋三爵
登二銅三簋二
簋八簋八豆一
牛一豕各解為
五體

鹽先一鼎盆一
在案基下東西
向非祭物也故
不圖

黃陂縣志

卷十一 儀禮

四配陳設圖

四配祭各一壇
此一壇式也



計一簋三爵一
登二銅一簋一
簋六簋六豆一
羊一豕各解為
五體

啓聖祠陳設圖

陳設同至聖
僅少入羹一登

各配陳設同十哲
從祀陳設同兩廡





黃陂縣志

卷十一 儀禮

一一乙

社稷






黃陂縣志

卷十一 儀禮

一一一



陳設圖




黃陂縣志

卷十一 儀禮

一一三

風雲雷雨山





黃陂縣志

卷十一 儀禮

